

**Երևանի պետական համալսարան**  
**Շարունակական կրթության կենտրոն**  
**Բաց կանչ հետազոտողների համար**  
**«Գիտության ոլորտում կանանց մասնակցությունն ու կարիերայի առաջընթացը խոչընդոտող գործոններն ու մարտահրավերները Ջայաստանում»**  
**Որակական հետազոտություն**

Երևանի պետական համալսարանի (ԵՊՀ) շարունակական կրթության կենտրոնը (ՇԿԿ) հայտարարում է **հետազոտական դրամաշնորհի մրցույթ**, որին կարող են մասնակցել ԵՊՀ հետազոտողներ և հետազոտական խմբեր:

Ակնկալվում է, որ հետազոտությունն իրականացվելու է 2026թ. մարտ-հունիս ամիսներին: Վերջնական հաշվետվության ներկայացման ժամկետը հունիսի 20-ն է:

Ջայտերի ընդունման վերջնաժամկետը՝ **2026թ. մարտի 10՝ ժամը 24:00:**

*Հետազոտությունն իրականացվում է «Գիտության ոլորտում կանանց և աղջիկների մասնակցության խթանում» ծրագրի ներքո՝ Գերմանիայի կառավարության ֆինանսավորմամբ, Գերմանական միջազգային համագործակցության ընկերության (GIZ) կողմից իրականացվող «Ֆեմինիզմը գործողության մեջ հանուն համակարգային փոխակերպման (FAST)» և «Կանանց հզորացում հանուն բարեկեցության» (WoW) ծրագրերի շրջանակում:*

## **Համատեքստ**

Չնայած բարձրագույն կրթություն ունեցող կանանց թվի աճին՝ գիտական հետազոտություններում տղամարդկանց և կանանց ներգրավվածության միջև դեռևս առկա է զգալի տարբերություն: ՅՈՒՆԵՍԿՕ-ի վիճակագրության ինստիտուտի (UIS) տվյալները վկայում են, որ 2021 թվականի դրությամբ կանայք կազմում էին աշխարհի հետազոտողների ընդամենը 31.7%-ը:<sup>1</sup>

Ջայաստանում, թեև կանանց ներկայությունը նշանակալի է այնպիսի ոլորտներում, ինչպիսիք են կենսաբանությունը (74%) կամ քիմիան (64.8%), այն զգալիորեն ավելի ցածր է մաթեմատիկայի (12.5%), մեխանիկայի (21.1%), ֆիզիկայի և

<sup>1</sup> The gender gap in science: status and trends, February 2024:  
<https://unesdoc.unesco.org/ark:/48223/pf0000388805>

աստղաֆիզիկայի (25.3%) ոլորտներում:<sup>2</sup> Պատկերը գրեթե նույնն է նաև ԵՊՀ-ում: Ըստ ԵՊՀ ներքին տվյալների, ԲՏՃՄ ոլորտներում (ներառյալ կենսաբանությունն ու քիմիան, որտեղ կանանց թիվը սովորաբար ավելի բարձր է) դասախոսական կազմի 402 անդամներից միայն 155-ն են կանայք, այսինքն՝ մոտավորապես 38.5%: Մինևույն ժամանակ, ղեկավար պաշտոններում կանանց թիվը նույնիսկ ավելի փոքր է. ԲՏՃՄ ոլորտներում գործող 29 ամբիոններից միայն 8-ն են ղեկավարում կանայք: Վերջապես, ԲՏՃՄ ոլորտներում (ներառյալ կենսաբանությունը) սովորող 1888 ուսանողներից միայն 844-ն են կին:

## Հետազոտության նպատակը և խնդիրները

Սույն որակական հետազոտության նպատակն է պարզել թվերի ու վիճակագրության հիմքում ընկած խորքային պատճառները, կանանց մասնակցությունը խթանող և խոչընդոտող հազամանքները, ինչպես նաև հանդես գալ իրավիճակը փոխելու առաջարկներով:

Հետազոտությունը պետք է պատասխանի առնվազն հետևյալ հարցերին.

- Ինչու՞ են կանայք ավելի քիչ ընդգրկված ԲՏՃՄ ոլորտներում:
- Ի՞նչ խնդիրներ ունեն ԲՏՃՄ ոլորտներում աշխատող կանայք:
- Որո՞նք են այն խոչընդոտները, որոնց բախվում են ԲՏՃՄ ոլորտներում գիտությամբ զբաղվող կանայք:
- Ինչպիսի՞ միջավայրային, սոցիալական, աշխատանքային և այլ խնդիրներ կան, որոնք չեն նպաստում կանանց առաջխաղացմանն այս ոլորտներում:
- Արդյո՞ք կան գեղեցիկ դերերին, խտրականությանը, կարծրատիպերին առնչվող խոչընդոտներ և ինչպե՞ս են պատկերացնում դրանց հաղթահարումը:
- Որո՞նք են այն խոչընդոտները, որոնց բախվում են կանայք՝ պայմանավորված սոցիալական կարգավիճակով, տարիքով, բնակության վայրով, հաշմանդամությամբ կամ անձնական և սոցիալական բնույթի այլ հանգամանքներով:
- Կանանց ընդգրկվածությանն ու առաջխաղացմանը նպաստող ի՞նչ պետական քաղաքականություններ և ինստիտուցիոնալ մոտեցումներ կան, արդյո՞ք դրանք բավարար են:
- Ի՞նչ փոփոխություններ են անհրաժեշտ ոլորտում՝ կանանց ներգրավվածությունը մեծացնելու և առաջխաղացմանն օժանդակելու համար:

Հետազոտության արդյունքներն անհրաժեշտ է ամփոփել հաշվետվությամբ, որը պետք է նաև քաղաքականությունների և ռազմավարությունների մշակման և/կամ փոփոխության կոնկրետ առաջարկներ ներկայացնի:

<sup>2</sup> Armenian Women in Science: An Analytical and Bibliometric Study of Current Trends:

[https://www.researchgate.net/publication/390270243\\_Armenian\\_Women\\_in\\_Science\\_An\\_Analytical\\_and\\_Bibliometric\\_Study\\_of\\_Current\\_Trends](https://www.researchgate.net/publication/390270243_Armenian_Women_in_Science_An_Analytical_and_Bibliometric_Study_of_Current_Trends)

## Ո՞վ կարող է մասնակցել

Դրամաշնորհային մրցույթին կարող են դիմել այն հետազոտողները, որոնք ունեն որակական հետազոտության փորձ և հմտություններ: Երկու-երեք հոգուց բաղկացած միջգիտակարգային հետազոտական թիմերի ներկայացրած հայտերը կունենան մրցութային առավելություն: Հետազոտական թիմում կարող են նաև ներգրավված լինել մագիստրատուրայի ուսանողներ:

Մրցույթի արդյունքում հանձանաժողովի կողմից կընտրվի մեկ հայտ, որը ներկայացրել է մրցույթի պայմաններին համապատասխանող լավագույն առաջարկը:

## Մեթոդաբանական մոտեցում

### *Հետազոտության շրջանակ*

Հայտատուներն ազատ են ընտրելու իրենց հետազոտության շրջանակի ծավալը՝ ելնելով մեթոդաբանական հիմնավորումից: Սակայն անհրաժեշտ է ապահովել առնվազն հետևյալը.

- որոշակիորեն հիմնավորված սկզբունքներով ձևավորված ընտրանքով ընդգրկել ինչպես համալսարանական, այնպես էլ Գիտությունների ակադեմիայի կազմում գործող հաստատություններ, ինչպես նաև դպրոցներ:

Ընտրանքի հիմնավորումն անհրաժեշտ է ներկայացնել հայտում՝ բացատրելով ընտրության տրամաբանությունը, մեթոդաբանական նպատակահարմարությունը և այլն:

### *Հետազոտության մեթոդներ*

Հայտատուները պետք է ներկայացնեն հետազոտության հստակ մեթոդաբանություն՝ ներառելով տվյալների հավաքման և վերլուծության նախընտրելի որակական գործիքներն ու մոտեցումները: Հնարավոր մեթոդների ցանկը ներառում է, սակայն չի սահմանափակվում հետևյալով.

- կոնկրետ դեպքի ուսումնասիրություն,
- որակական հարցազրույցներ, ֆոկլուս խմբային քննարկումներ,
- առկա փաստաթղթերի և քաղաքականությունների վերլուծություն՝ գործող ռազմավարությունների ու ծրագրերի ուսումնասիրություն և հիմնավորված առաջարկների մշակում:

Ընտրված հետազոտողը/թիմը մեթոդաբանության վերջնական տարբերակը կներկայացնի պայմանագրի կնքումից հետո:

### Ֆինանսավորում

Ընտրված հետազոտական խումբը կամ անհատ հետազոտողը կստանա ֆինանսական աջակցություն հետազոտությունն իրականացնելու համար: Ֆինանսավորման չափը 1. 800. 000 ՀՀ դրամ է (հարկերը ներառյալ):

### Իրականացման ժամանակացույց և ակնկալվող արդյունքներ

Ի՞նչ	Ե՞րբ
Վերջնական ներկայացում/հաստատում մեթոդաբանության	30-ը մարտի, 2026 թ.
Հետազոտության իրականացում/դաշտային աշխատանք	Ապրիլ-մայիս, 2026թ.
Արդյունքների վերլուծություն, հաշվետվության և պատրաստում	20-ը հունիսի, 2026 թ.
Արդյունքների ներկայացում, կլոր սեղան-քննարկման կազմակերպում և քաղաքականության փաստաթղթի մշակում	20-ը հուլիսի, 2026 թ.

### Ընտրության չափանիշներ

Հայտերը կգնահատվեն հետևյալ չափանիշներով՝

- թեմատիկ համապատասխանությունը – 20 միավոր,
- մեթոդաբանական հիմնավորվածությունը – 40 միավոր,
- հետազոտողի փորձը/ հետազոտական խմբի կազմը – 30 միավոր,
- հայտի ընդհանուր որակը – 10 միավոր:

### Մրցույթին դիմելու կարգը

Մրցույթին մասնակցելու համար անհրաժեշտ է լրացնել կից հայտադիմումը և ուղարկել [cce@ysu.am](mailto:cce@ysu.am) էլեկտրոնային հասցեին՝ մինչև **սույն թվականի մարտի 10-ը**՝ ժամը 24:00-ն: Ավելի ուշ ներկայացված հայտերը չեն դիտարկվի:

Հարցերի դեպքում՝ (374 60) 710 212 :